

Алдр Октябрин 40-ч джилин ббнд белдвр кеджэх цагла, таньгччин хойр газетин редакц сэн рассказин, очеркин болн шүлгин конкурс кев.

56 авторас зу гар произведеньс ирв. Эн конкурсд механизатормуд, багшир, эмчир, журналистир, бичэчирин Союзин отделеня члед орлцв. Илгэсн произведеньс болгын оln-амтнд, мана цуг тууджлгч диилврмудин бүрдэггяч партыд ханлт бргдж, халун зүрхнэсн бичгддж.

Тедн дунд эклдж бичдэх арвн хойр кууна произведеньс мбрггяар темдглгдв. Эн рассказмуд, очеркс, шүлгүд бичдэх улс цуггар джирггял уктдж бичдэнэ. Эн тоот оln-амтнэ байр-бах, күцл-диилвр үзүлджэнэ.

Литературт збргтэ ишкдлэр, умшачир таньдг С. Боркаев, А. Кичиков, Н. Бадмаев, Т. Бембеев, С. Байдыев, Д. Бадмаев болн нань чигн улс ордж йовцхана.

Боркан Сарнэ хол Киргизд баянэ. Конкурст тер „Сумн орсн партбилет“, гидг рассказ илгэдж. Ончн үлдсн кбвүн ямаран түрү-зүдү үздж, бршаньггү уга Эрднэ байна догшн гарт бсэд, аш суулдн, Алдр Октябрск революцин нилчэр кишгтэ джирггялтэ болсна тускар рассказд келгддженэ.

Осэд, батрад советин эгл цергч болад, Тбрскэн харсгч Алдр даянд мордна. Тендэн, коммунистическ партин зерглэнд орад, итклтэ урн болна. Орчднэ хадггддж йовсн партбилетднэ, нег даянд, сумн тусна. Эн рассказд негдгч мбрэ бггдв.

Эклдгжэх журналист Тимофей Бембеев орс келэр „Бамб цецг“ гидг рассказ бичв. Эн рассказд бичэч, партизанск отрядт комиссар йовсн Адучин Бадмин тускар, терүнлэ хамдан йовсн кууна келэр, медүлджэнэ. Автор эвранны геройиг бршаньггү уга фашистирлэ ноолдад, амэн бгсн цагинь үзүлхлэрн „Бамб цецгин“ збргтэ йовдлинэ зурджана.

Коммунист Манджин Дорджин цуцрлтан уга кблдгин тускар Бадмаев Дулахна „Худг“ гидг рассказд келгддженэ.

Дордж эвранны чидлэн нбл уга совхозин кблтшт бгнэ. Эн гүджрмг кууна тускар

бичхлэрн, автор умшачириг бврэм дуньгэ йовдл, үүлдвр үзүлхш, үлү чигн, дуту чигн уга үгмүдэр эгл кууна үүлдвр үзүлджэнэ. Дегд кергтэ тбрин тускар бичдэхин учрар, Бадман Дулахн терүндэн дегд авлгдэд, рассказан невчк утар бичдж, болв умшсн куунд амрар умшгдна.

Кууна хамгин үнтэ юмн—нүдн! Нүдэн геенэ гидг легд гашута йовдл. Энүнэ тускар „Итклтэ уурмүд“ гидг рассказ Сарпинск района, долан джилэ школин багш Константин Филимонов бичдж.

„Сохр күн кенд кергтэв? нүдэн геечкэд юн тустя кбдлмш кехв?“—гидж Анатолий Орсонов, даянд нүдэн геечкэд, санна. Болв хаджуднэ баясн итклтэ уурмүдин нилчэр Анатолий лакнас, урдклагган айл инэдтэ-наадта, байрта күн болна.

Очерк бичнэ гидг бас күчр тбр. Ташр дээрнэ, очерк бичэч амд кууна тускар бичдж баясн учрар, үлү үүлдвр үзүлдж болш уга.

Болв конкурст илгэсн очерксиг авад халэхлэ, мана бичэчир эн халхдан чик хаалгэд баянэ.

Сарпинск района Мало-Дербетовск МТС-н бухгалтер-ревизор Алексей Бадмаев эвранны очеркэн „Эцкин сүл үг“ гидж нерэддженэ.

Лиджин Бамбин эцк бнгрдж баяггэд, кбвүндэн герясан келнэ. Бамбин эцк урд цагт угатэ болсн учрар, ик зовлнэ, түрү үзнэ. Тер тблэд кбвүнанны баях цагин байрта-джирггялинэ медэд иигдж келнэ: „Эвранны джирггялэн эврэн тосх“. Кбвүнэ энүгинэ күцэнэ.

Мана Хальмг таньгч—хб бскдг таньгч. Хальмгин бргн тег, нертэ, шунмгяа хббчнрэр элвг. Тер оln хббчирин негнэ—Боргуша Давид.

„Буй кеггяч царнэгд“ гидг очерктэн журналист Ким Богданов тер хббчин күнд-күчр кбдлмшин тускар келдженэ. Боргуша Давид—мана цагин эгл күн, эн таньгччиннэ үнн седклтэ урн.

Педучилищин преподаватель Анатолий Кичиков „Полкин барун халхд“ гидг очерклэн гражданск даянэ баатр цергч Адучин Шалин тускар бичдженэ. Үннднэ келхд, автор эн очеркэн шуд газетин келэр бичдж, болв произведеньд келгдгжэх тер

цагин үүлдвр, догшн ноолдан саянэр үзүлгддженэ. Тегэд чигн эн очерк мбрэлгдв.

Цуг жанрмудас конкурсд шүлгүд икар ирв. Эклдж бичдэх Санджара Байдыев „Тодлвр“ гидг шүлг илгэдж.—Эн баахн шүлгд, даянэ цагт хойр иньг салат, теднэ ик дурни аш диилвр бэрдж ирхд алдр тусан халдасна тускар келгддженэ.

Яшкульск района агроном Валентина Долгина „Инггльгын“ гидг шүлг бичдж. Эн шүлг зэрм газртан дуту-дундта бблвчн, кууна чееджд умшилггяла тодлггна. Эн ахр шүлгиг умшхла седклд гиигн болад, зүрхн талваггяд одна.

Приозерн района „Северный“ совхозин механическ мастерскойин слесарь Николай Бадмаев „Диилврин туг“, „Мбнэк нерн—Ленин“, нань чигн шүлгүд илгэдж. „Диилврин туг“ гидг шүлгнэ мана Советин алдршсн диилврин тугиг мактдж бичгддж.

Дакад болхла, эн конкурсд ирсн материалмуд дунд зэрмнэ дундинэр бичгддж, зэрмнэ йир мууггар бичгддж. Эн тоот юнэгэд болв гихлэ, тедниг бичсн улс конкурсин бмн тавгдсн тбриг күцс эс меддж, ташр дээрнэ теднэ чидлнэ күрлгэ урн үг шүүдж олж эс чаддж.

Кесг шүлгүд И. И. Новосельцев илгэдж, терүнэс тату биш Николай Анджаев илгэдж. Эднэ шүлгүд дегд сулар бичгдсн дээрэн, нег чигн гүн толлвр уга.

Балаев Мацг болхла 14 шүлг илгэдж. Теднэс нег чигн газетд барлдж болм дуньгэ шүлг олдж болсн уга. Эн тоот хаджггириг чиклдж, цааранднэ бичдж баях улс саянэр седклэн тавдж, билг-эрдмэн бгч бичх кергтэ.

Алдр Октябрин 40-ч джилин ббнд нерэдсн конкурс чик болдж гарв. Темдг уга кесг нерд дорас олдв. Эн тоот Хальмг келнэ урн үг цааранднэ бас чигн цецгрх темдг болджана.

Эн конкурсд СССР-н Бичэчирин Союзин члед ик оньгтаггар орлццхав. Тедн дунд Сян-Белгин Х., Колян С., Су-сен А., Эрнджэнэ К., Кбглтин Д., Кбктэн Э., Нарман М., нань чигн улс орлццхав. Эн бичэчирт таньгччин газетсин хойр редакц ханлт бргдженэ.

И. РОМАНОВ.
А. БАЛАКАЕВ.